

# El Movimiento Nacional por la Diversidad Cultural de México convoca al VI Concurso Nacional de Fotografía

## TEMA: RACISMO



### LOKEYOCHEN

Asijén k'a tubá tan tubájinilob yets'lob k'a tubajini kristianu tan Na'Kaj ukuxté jini KREXT'AN, k'a jin untú kama' awolín i kama' anik'e'jinilob kristianulob k'a tubá undelob, xoyolob tubá kajob ajpatawan tubá ototelob, k'a kache'an uyak'o o kada atí xoyolob yene'ubá, kama' uk'aten, unemtan, unok', símbolujob, kama' ukuxtelob, ut'anlob i uch'ujtanlob, tan jini bitk'enbitalob.

### UYOLÍN JÍNI NUMSAYÁ

Tubá jinilob teklayalob

Ujelob uyocheleb ujuntumá jinilob kristianulob kiupa'senlob yets'lob k'eyolinlob i jinilob k'uchenlob t'ok upatán, k'ukuxté tan na'kaj, k'uyolinlob uyek'e' uk'ajalín tan jini xebelob yene'ubá tubá Na'kaj i totojchenen tubá undé, uyolín, uts'omben i uk'inentan.

Tubá jini yets'

- K'a anumen, jini teklayá uxé uk'ene' ixta unk'a yets'lob sek i ik', bonó.
- Jinilob yets'lob k'ajnik achenlaj uts uxé upa'sinte tan numsayá.
- Jinilob yets'lob ukenentan uchenkak jinilob tubalob tan jinilob ye'e'lob yokot'an, kajob afrodescendientes i/o kristianulob t'ok ulotobloj.
- Jinilob yets'lob k'awek'e' laj che'chich upa'sí ajteklayá, mach ajnik subúlob, mach ajnik ts'ibí najteke tan yebetak numsayá i mach ajnik a'ben tubalob tubá uk'enelesán jinilob yets'lob niuntu ototelob o kristianu.

Tubá jini ch'eme' tubá jinilob yets'lob

- Jinilob ach'eme' jini yets'lob che'chich uxé jink'in usubinte tubá jinda amona'kinte i ixta lunes 17 tubá oktubre tubá 2016 ixta 23:59 oreji.
- Jinilob yets'lob uch'emkinte tan jinda kadauxé elektrónica: [mndcmexico@gmail.com](mailto:mndcmexico@gmail.com)
- Tan jini "ketsektan" tubá Korreu uxelob uts'ibinte jindalob t'anlob: "VI Concurso Nacional de Fotografía" i ump'e numsayá t'ok jinilob kache'anlob: K'aba' i tubá upaplob ts'eké, tupám uk'aba', ts'eké ukijí, kadá uchen t'an tubá uyotot, i ump'e kadauxé jini korreu elektrónico tubá teklayá.
- Jinilob teklayalob uxelob uk'ene' tek'e t'ok jini korreu elektrónico jinilob yebetak lokükenentan tek'elob:
- Jini yets' o jinilob yets'lob t'ok jormatu *tif o jpg*, t'ok untú ch'och'okan tubá 300 dpi i untú uno'an tubá 5 MB kadá yets' (uk'aba' tubá lokükenentan tek'e jinchich nunob k'uyek'i tan jinilob yets'lob).
- Ump'e kopia tubá chenenet owisial kuxpik, t'ok jormatu jpg, k'a jipán jini K'aba', kache'an uk'aba' i na'kaj káda apinkebi ajteklayá.
- Jini ajteklayá uxé uk'ene' jinilob yets'lob undelob i, jink'in ak'ene'laj, uyek'e' ut'an jinchich kache'an ya'i ts'ibilob jinchich tojlob.

Tubá jinilob amatenlob

- Ump'e ak'otí: \$10,000.00 m/n (Chak'a mil tak'in na'kajlob), um mop' tubá junlob i bitk'enbitalob aubinachenlob, jun taj totojchenen i pínt'e'yele' tubá jini patán.
- Chap'e ak'otí: \$5,000.00 m/n (unk'a mil tak'in na'kajlob), um mop' tubá junlob i bitk'enbitalob aubinachenlob, jun taj totojchenen i pínt'e'yele' tubá jini patán.
- Uxp'e ak'otí: Ump'e tableta elektrónica, um mop' tubá junlob i bitk'enbitalob aubinachenlob, jun taj totojchenen i pínt'e'yele' tubá jini patán.

Tubá jini jek'e i yaken jini kuxtelijob

- Jinilob yets'lob uzelob uyakinte t'ok untú xoyolob tubá ajnojalob uyajnelob t'ok kristianulob k'iyuwilob i uk'ajalín tan patán.
- Jini xoyolob k'iyuwilob uyek'leran jinilob yets'lob kuxtelib uxé uyele' ch'a'ut'an jink'in unu'tan k'a jinilob yets'lob oyolin i jini uyeli mach uyolin usutun.

Uyolínlob uxupibalob

- Jinilob yets'lob kuxtelib i k'iyulin uyele' ch'a'ut'an che'chich usubunlaj i chenak, k'o k'a jinilob teklayá kuxtelib uyek'e' jinilob tubalob matinlob tubá jinilob yets'lob tubá ototelob k'utuskan, che'chich utotojchencan tubalob jini uchi. K'a jini k'ex i totojchenkan tubá jindalob tubalob jinilob ajkuxtelib jinchich uchenlob ts'ibit'anlob tank'ex jini tubalob jink'in uyele' k'mach yebetak ototelob ujapín jini uk'ene' jini yets'lob.
- Jinilob pa'sayalob tubá numsayá uxelob uchenkan tubá 31 tubá oktubre tubá 2016 che'chich tan jini loküyelkan i tan web tubá ototelob amona'kintelob.
- Jinilob kristianulob kuxtelilob i uk'inentan unik'e' ch'a'ut'an uxelob uyeleob najtek'i k'a jini xomolt'an tubá sijóm uxé uchenlob tubá 17 tubá nobiembre tubá 2016 tan jini Museo Yokot'an k'ya'an tan CDMX.
- Jinilob yets'lob mach ayakintik uxelob upaskintelob tubalob lokükenentan tek'elob tubá numsayá sep' jink'in uyeleob jinilob ajkuxtelib.
- Jinilob k'uachichká k'mach'an tan jini amona'kinte, uxelob uchenlob k'a jinilob utuskilob i jini uyelilob mach uxelob usutunlob.
- Che'chich untú kristianu uyolín yoché tan numsayá youyele' Uyolín jinda.

¿Kada asaken jini uyele'?

Ajek' k'ajalín k'a najtek'i upa'sen jini unik'e' tan jini Kaj tubá Na'kaj

Sekretaría Téknika tubá Jomo'le Upete Kab tubá jini Xebelob Yene'uba tan Na'kaj.

Teléfono: 55-12-86-27

Korreu: [dcmexico@gmail.com](mailto:dcmexico@gmail.com)